



Broj: 17-14-14866-33

Sarajevo, 06-08-2018 godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), a u skladu sa članom 6. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ broj 5/06 – Prečišćeni tekst) i preporuke Komisije za ustupanje usluga u postupku javne nabavke za "Ustupanje usluga dezinfekcije, dezinsekcije i deratizacije objekata Kantona Sarajevo" **LOT 1 – Usluge dezinfekcije i uništavanja štetočina** (Zapisnik o pregledu i ocjeni ponuda broj: 17-14-14866-32 od 02.08.2018. godine), načelnik Stručne službe za zajedničke poslove Kantona Sarajevo, d o n o s i:

**ODLUKU**  
**o izboru najpovoljnijeg ponuđača**

**Član 1.**

Prihvata se Preporuka Komisije za ustupanje usluga u postupku javne nabavke za "Ustupanje usluga dezinfekcije, dezinsekcije i deratizacije objekata Kantona Sarajevo" **LOT 1 – Usluge dezinfekcije i uništavanja štetočina** i dodjeljuje se ponuđaču "IDS – ZDRAVA SREDINA" d.o.o. Sarajevo, prema dostavljenoj ponudi broj: PN 27-07/18 od 30.07.2018. godine u ukupnoj vrijednosti od **48.438,00 KM** (sa PDV-om) i načinom plaćanja 60 (šesdeset) dana.

**Član 2.**

Prijedlog okvirnog sporazuma dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti po članu 45. stav (2) Zakona o javnim nabavkama (originale ili ovjerene kopije), kao i originalne dokaze ili ovjerene kopije po članu 47. ZJN (bilans stanja i bilans uspjeha za 2017. godinu), jer je u svojoj ponudi dostavio obične kopije, u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi originalne dokaze ili ovjerene kopije o kvalificiranosti u navedenom roku ili dostavi neprihvatljive dokaze, smatrat će se da odustaje od okvirnog sporazuma.

**Član 3.**

Ova odluka objavit će se na web stranici ugovornog organa, [www:http://sszp.ks.gov.ba](http://www:http://sszp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke.

**Obrazloženje**



Postupak javne nabavke pokrenut je Odlukom o pokretanju postupka javne nabavke broj: 17-14-14866-28 od 17.07.2018. – "Ustupanje usluga dezinfekcije, dezinfekcije i deratizacije objekata Kantona Sarajevo". Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke bez PDV-a iznosi 49.000,00 KM. Za predmetnu nabavku objavljeno je dodatno obavještenje o nabavci na portalu javnih nabavki pod brojem 1230-7-2-59-3-43/18 od 17.07.2018. godine.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka sa objavom obavještenja na portalu javnih nabavki, Komisija je dostavila pozive sljedećim ponuđačima: 1. "IDS-zdrava sredina" d.o.o. Sarajevo; 2. "Deratizer" d.o.o. Sarajevo; 3. "Kristal" d.o.o. Sarajevo. Rok za dostavu ponuda bio je 30.07.2018. godine do 11,00 h. Za navedenu javnu nabavku u uredno zatvorenim kovertama, dostavljene su ponude za LOT 1 – Usluge dezinfekcije i uništavanja štetočina od sljedećih ponuđača:

1. "IDS – ZDRAVA SREDINA" d.o.o. Sarajevo, ul. Terezije b.b., 71000 Sarajevo
2. "SANACIJA 3D" d.o.o. Sarajevo, ul. Nadežde Petrović 18DO, 71000 Sarajevo

U skladu sa Odlukom o pokretanju postupka, Komisija za ustupanje usluga formirana Odlukom broj: 17-01-05-31300 od 20.10.2017. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu za dostavu ponuda. Zapisnik o pregledu i ocjeni ponuda broj: 17-14-14866-32 od 02.08.2018. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda dvije (2),
- da je blagovremeno zaprimljeno ukupno dvije (2) ponude,
- da nema neblagovremeno zaprimljenih ponuda,
- da ponuda ponuđača "IDS – ZDRAVA SREDINA" d.o.o. Sarajevo, ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa,
- da ponuda ponuđača "SANACIJA 3D" d.o.o. neispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa iz sljedećih razloga:

- Ponuđač "SANACIJA 3D" d.o.o. u svojim ponudama za LOT 1 i LOT 2 nije dostavio aktuelni izvod iz sudskog registra ili izjavu/potvrdu nadležnog organa da je ponuđač registrovan za obavljanje tražene djelatnosti sa više od 50% zaposlenih lica sa invaliditetom u odnosu na ukupan broj zaposlenih, a kako je traženo stavkom 2. Sposobnost obavljanja profesionalne djelatnosti – u smislu člana 46. Zakona: «*Uslovi: Da bi učestovao u konkurentskom postupku javne nabavke, ponuđač mora zadovoljavati sljedeći uslov sposobnosti obavljanja profesionalne djelatnosti i to: 1) da je registrovan za obavljanje djelatnosti koja je predmet ove nabavke odnosno, sa dokazom da zapošljava u odnosu na ukupan broj zaposlenih, više od 50% lica s invaliditetom, koji ne mogu obavljati poslove u normalnim uslovima. Dokazi: Ponuđač je dužan dostaviti sljedeće dokaze: Za ponuđače iz BIH: a) Ponuđači su u svrhu dokaza o ispunjavanju uslova iz člana 46. Zakona dužni dostaviti Aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke.*» Str. 6 TD.



web: <http://vlada.ks.gov.ba>  
e-mail: [sszp@sszp.ks.gov.ba](mailto:sszp@sszp.ks.gov.ba)  
Tel: + 387 (0) 33 562-094, Fax: + 387 (0) 33 562-220  
Sarajevo, Reisa Džemaludina Čauševića 1



- Ponuđač "SANACIJA 3D" d.o.o. u svojim ponudama za LOT 1 i LOT 2 nije dostavio **potpisan nacrt okvirnog sporazuma**, a kako je traženo u tenderskoj dokumentaciji u stavci 1) Sadržaj ponude i način izrade ponude: « 1) potpisan nacrt okvirnog sporazuma (Prilog br. 10)» Str.11 TD.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda. Tabelarni pregled prispijelih ponuda – rang lista prihvatljivih ponuđača za postupak javne nabavke "Ustupanje usluga dezinfekcije, dezinfekcije i deratizacije objekata Kantona Sarajevo" LOT 2 – Usluge dezinfekcije i uništavanja štetočina kako slijedi:

I."IDS – ZDRAVA SREDINA" d.o.o. Sarajevo	100,00 bodova
--	---------------

U skladu sa kriterijem "ekonomski najpovoljnija ponuda" sa potkriterijima: cijena 90% i način plaćanja 10%, **ugovor se dodjeljuje ponuđaču "IDS – ZDRAVA SREDINA" d.o.o. Sarajevo** u ukupnoj vrijednosti nabavke od **48.438,00 KM** (sa PDV-om) i načinom plaćanja 60 dana. Za predmetnu nabavku će se zaključiti okvirni sporazum.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Pripremio: Almir Mešić, dipl.iur.

Prilog:

1. - Zapisnik o pregledu i ocjeni ponuda broj: 17-14-14866-32 od 02.08.2018.godine

**Dostaviti:**

1. Svim učesnicima u postupku,
2. Arhivi.



web: <http://vlada.ks.gov.ba>  
 e-mail: [sszp@sszp.ks.gov.ba](mailto:sszp@sszp.ks.gov.ba)  
 Tel: + 387 (0) 33 562-094, Fax: + 387 (0) 33 562-220  
 Sarajevo, Reisa Džemaludina Čauševića 1

